



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

PERANGKAAAN PERDAGANGAN LUAR NEGERI MALAYSIA APRIL 2025

**Perdagangan Malaysia meningkat 18.2 peratus kepada RM261.9 bilion,
didorong pertumbuhan 16.4% eksport dan 20.0% import**

PUTRAJAYA, 20 MEI 2025 – Peningkatan berterusan dalam ekonomi global, bersama perubahan dalam permintaan antarabangsa terhadap barangan Malaysia, telah membawa kepada prestasi perdagangan yang lebih baik. Jumlah dagangan mencatatkan kenaikan dua digit 18.2 peratus daripada RM221.6 bilion pada tahun sebelumnya kepada RM261.9 bilion, yang sebahagian besarnya didorong oleh pertumbuhan import 20.0 peratus, mencecah RM128.4 bilion dan eksport 16.4 peratus, mencecah RM133.6 bilion. Sebaliknya, imbalan dagangan merosot 33.0 peratus kepada RM5.2 bilion pada April 2025 seperti yang dilaporkan hari ini dalam **BULETIN PERANGKAAAN PERDAGANGAN LUAR NEGERI MALAYSIA, APRIL 2025**. Buletin ini juga membentangkan prestasi produk untuk eksport dan import serta rakan dagangannya.

Ketua Perangkawan Malaysia, Dato' Sri Dr. Mohd Uzir Mahidin menekankan bahawa pertumbuhan eksport Malaysia didorong oleh peningkatan dalam eksport domestik dan eksport semula pada April 2025. Eksport domestik, yang merangkumi 74.9 peratus daripada jumlah eksport, meningkat 9.1 peratus kepada RM100.0 bilion, manakala eksport semula yang menyumbang 25.1 peratus

daripada jumlah eksport, berkembang 46.0 peratus kepada RM33.5 bilion berbanding April 2024. Selain itu, import berjumlah RM128.4 bilion, naik 20.0 peratus atau RM21.4 bilion. Lebihan dagangan berkurang 33.0 peratus kepada RM5.2 bilion, menandakan lebihan bulan selama 60 bulan berturut-turut sejak Mei 2020. Berbanding dengan Mac 2025, import dan jumlah dagangan masing-masing mencatatkan peningkatan 14.1 peratus dan 4.8 peratus. Manakala eksport dan imbalan dagangan masing-masing menunjukkan penurunan 2.7 peratus dan 79.1 peratus.

Melihat dari sudut kumpulan barangan, 136 daripada 258 kumpulan eksport dan 136 daripada 260 kumpulan import menunjukkan peningkatan berbanding bulan yang sama pada tahun sebelumnya.

Ketua Perangkawan Malaysia turut menggariskan bahawa eksport yang lebih tinggi disumbangkan terutamanya ke Amerika Syarikat (+RM6.0 bilion), diikuti oleh Singapura (+RM4.8 bilion), Mexico (+RM2.5 bilion), Taiwan (+RM2.2 bilion), Thailand (+RM959.3 juta), Australia (+RM634.5 juta) dan Indonesia (+RM621.5 juta). Selain itu, peningkatan import disumbangkan terutamanya dari Amerika Syarikat (+RM9.7 bilion), diikuti oleh Taiwan (+RM6.8 bilion), China (+RM5.1 bilion), Mexico (+RM827.8 juta), Ecuador (+RM415.3 juta), Viet Nam (+RM388.8 juta) dan Kuwait (+RM300.6 juta).

Mengulas lebih lanjut mengenai eksport, kenaikan ini sejajar dengan peningkatan dalam barangan elektrik & elektronik (+RM15.8 bilion); jentera, kelengkapan & peralatan (+RM1.5 bilion); keluaran perkilangan lain (+RM826.9 juta); makanan diproses (+RM771.0 juta); barangan perkilangan berasaskan minyak kelapa sawit (+RM627.7 juta); dan barangan optik & saintifik (+RM621.9 juta). Selain itu, peningkatan import direkodkan bagi barangan elektrik & elektronik (+RM21.5 bilion); jentera, kelengkapan & peralatan (+RM1.6 bilion);

kelengkapan pengangkutan (+RM1.0 bilion); keluaran pertanian yang lain (+RM361.3 juta); minyak sawit & keluaran pertanian berasaskan minyak sawit (+RM314.6 juta); serta makanan diproses (+RM268.3 juta).

Selanjutnya, Ketua Perangkawan Malaysia juga memaklumkan pertambahan import mengikut Penggunaan Akhir adalah seiring dengan permintaan yang lebih tinggi bagi barangan modal. Import barangan modal (18.4% daripada jumlah import) melonjak 114.1 peratus atau RM12.6 bilion, mencatatkan nilai RM23.6 bilion. Namun, import barang perantaraan (45.3% daripada jumlah import) menurun 1.7 peratus atau RM993.2 juta kepada RM58.2 bilion, manakala import barangan penggunaan (7.5% daripada jumlah import) mencatatkan penurunan secara marginal 0.7 peratus atau RM70.4 juta kepada RM9.7 bilion berbanding April 2024.

Jumlah dagangan, eksport, import dan lebihan dagangan bagi tempoh Januari hingga April 2025 mencatatkan peningkatan. Jumlah dagangan berkembang 7.2 peratus, daripada RM912.2 bilion kepada RM977.6 bilion, seiring dengan kenaikan eksport (+7.3%) serta import (+7.0%). Selain itu, lebihan dagangan meningkat 10.4 peratus mencatatkan nilai RM46.2 bilion berbanding tempoh yang sama pada tahun 2024.

Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.


Malaysia buat julung kalinya telah menduduki tangga pertama (1) di peringkat global dalam laporan dwi-tahunan Open Data Inventory (ODIN) 2024/25 yang dikeluarkan oleh Open Data Watch (ODW), mengatasi 198 negara lain.

Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.


Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema 'Driving Change with Quality Statistics and Data for Everyone'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Perangkaan Perdagangan Luar Negeri, Jan 2024 – Apr 2025 (Nilai)




Carta 2: Perangkaan Perdagangan Luar Negeri, Jan 2024 – Apr 2025
(Peratus Perubahan Tahunan)




Carta 3: Perangkaan Perdagangan Luar Negeri, 2020 – 2025 (Jan – Apr)



Carta 4: Import mengikut Klasifikasi Penggunaan Akhir & Kategori Ekonomi Umum (BEC), Jan 2024 – Apr 2025
(Nilai dan Peratus Perubahan Tahunan)



Carta 5: Import mengikut Klasifikasi Penggunaan Akhir & Kategori Ekonomi Umum (BEC), 2020 – 2025 (Jan – Apr)



Jadual 1: Sub-Sektor Penyumbang Utama kepada Eksport

KETERANGAN KOMODITI	2024	2025	2025	SUMBANGAN KEPADA JUMLAH %	Y.O.Y	
	APR	MAC	APR		NILAI	%
	RM JUTA	RM JUTA	RM JUTA		RM JUTA	
Jumlah	114,695	137,304	133,561	100.0	18,866	16.4
Barangan Elektrik & Elektronik (E&E)	44,484	62,297	60,235	45.1	15,751	35.4
Keluaran Petroleum	9,372	7,495	8,503	6.4	(868.8)	(9.3)
Jentera, Kelengkapan & Peralatan	4,966	7,055	6,503	4.9	1,537	31.0
Minyak Kelapa Sawit & Keluaran Pertanian Berasaskan Kelapa Sawit	6,193	5,805	6,306	4.7	113.1	1.8
Kimia & Bahan Kimia	5,894	5,988	5,230	3.9	(664.7)	(11.3)

Jadual 2: Sub-Sektor Penyumbang Utama kepada Import

KETERANGAN KOMODITI	2024	2025	2025	SUMBANGAN KEPADA JUMLAH %	Y.O.Y	
	APR	MAC	APR		NILAI	%
	RM JUTA	RM JUTA	RM JUTA		RM JUTA	
Jumlah	106,954	112,535	128,374	100.0	21,421	20.0
Barangan Elektrik & Elektronik (E&E)	44,484	62,297	60,235	45.1	15,751	35.4
Jentera, Kelengkapan & Peralatan	4,966	7,055	6,503	4.9	1,537	31.0
Kimia & Bahan Kimia	5,894	5,988	5,230	3.9	(664.7)	(11.3)
Keluaran Petroleum	9,372	7,495	8,503	6.4	(868.8)	(9.3)
Barangan Perkilangan Logam	4,960	5,581	5,087	3.8	126.6	2.6

Dikeluarkan oleh:

PEJABAT KETUA PERANGKAWAN MALAYSIA

JABATAN PERANGKAAN MALAYSIA

20 MEI 2025